

**CONVENIO DE COLABORACIÓN ENTRE O EXCMO. CONCELLO DE LUGO E A “FEDERACIÓN GALEGA DE PIRAGÜISMO” CO OBXECTO DE COLABORAR NOS GASTOS DERIVADOS DO “LXV DESCENSO INTERNACIONAL DEL MIÑO” ANO 2022.**

En Lugo, a 30 de maio de 2022

**REUNIDOS**

Dunha banda **D. Mauricio Repetto Morbán**, actuando en nome e representación do Concello de Lugo, con enderezo en Lugo, Praza Maior, nº 1 e CIF p2702800J, en virtude da súa condición de Concelleiro Delegado de Xuventude e Deportes (Área de Cohesión e Dinamización Social).

E doutra banda **D. José Alfredo Brea García**, con NIF 35456180R, actuando en nome e representación da Federación Galega de Piragüismo, con CIF G36040764, na súa calidade de Presidente, con enderezo a efectos deste Convenio en Lugo, Estrada Saamasas s/n.

Ambas as dúas partes interveñen en función dos seus respectivos cargos e no exercicio das súas facultades que teñen conferidas para convenir en nome e representación das institucións que representan

**EXPOÑEN**

**PRIMEIRO.-**

Que o Concello de Lugo ten entre as súas competencias impulsar o deporte e os valores que este transmite, así como a promoción do municipio de Lugo e a súa dinamización na cidade.

Conforme ao artigo 50.1 da Lei 40/2015, do réxime xurídico do sector público (LRXSP), as Administracións Públicas, os seus organismos autónomos e entidades de dereito público vinculados ou dependentes e as universidades públicas, no ámbito das súas competencias, poderán subscribir convenios con suxeitos de dereito público e privado.

Conforme o artigo 2 dos Estatutos da Federación Galega de Piragüismo, ratificados e inscritos co núm. F-00294 do Rexistro de Entidades Deportivas de Galicia de conformidade co disposto na Ley 3/2012, de 2 de abril, do deporte de Galicia, a Federación Galega de Piragüismo é unha entidade privada, con personalidade xurídica propia e capacidade de obrar sen ánimo de lucro. O seu ámbito territorial abrangue a Comunidade Autónoma de Galicia, no desenvolvemento das competencias que lle son propias, de conformidade coa normativa vixente. Está integrada polos clubs, seccións deportivas, deportistas, técnicos, adestradores,

## SECCIÓN DE DEPORTES

MRM/ilc

Refª: convenio

Asunto: Convenio de colaboración Federación Galega de Piragüismo "Descenso Internacional del Miño"

xuíces e árbitros e outros colectivos adicados á práctica do deporte de piragüismo. Ademais das competencias que lle son propias, e segundo o disposto pola Lei do Deporte de Galicia, exerce por delegación funcións públicas de carácter administrativo, actuando como axente colaborador da Comunidade Autónoma galega. Así mesmo, conforme o artigo 4, a Federación Galega de Piragüismo é a **única entidade competente** dentro da Comunidade Autónoma de Galicia para **promocionar, regulamentar, organizar, xestionar e controlar** as competicións oficiais de augas tranquilas, augas bravas, **descensos**, ascensos, travesías, maratón (...).

A organización do devandito evento corresponde á Federación Galega de Piragüismo **en exclusividade**, e está recollida no Calendario Oficial da ICF (international Canoe Federation). Así mesmo, está incluído dentro do Calendario Galego de Piragüismo 2021-2022, da Federación Galega de Piragüismo.

### SEGUNDO.-

Que o Concello de Lugo, en exercicio das súas competencias ten vontade de promover este convenio en virtude do establecido na Lei 7/1985, de 2 de abril, de bases do réxime local, artigo 25.1: "O Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos neste artigo".

Así mesmo, o apartado 2 de este mesmo artigo establece que "O Municipio exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias: (...) I) Promoción do deporte e instalacións deportivas e de ocupación do tempo libre (...)".

### TERCEIRO.-

Que ambas as partes coinciden na necesidade de axuntar esforzos para a consecución dos seus respectivos obxectivos e intereses comúns e que, por conseguinte, cren conveniente, por medio deste documento, establecer a coordinación e colaboración respecto ao "**LXV DESCENSO INTERNACIONAL DEL MIÑO**" ANO 2022.

Por todo o exposto ambas as dúas partes acordan asinar o presente convenio de colaboración en base as seguintes

## CLÁUSULAS

### PRIMEIRA.- OBXECTO

O obxecto de este convenio é a colaboración entre o Excmo. Concello de Lugo e a Federación Galega de Piragüismo para a celebración do **“LXV DESCENSO INTERNACIONAL DEL MIÑO” ANO 2022**.

O “Descenso Internacional do Miño de Lugo”, é unha regata de gran transcendencia internacional e cunha traxectoria histórica relevante, considerado o evento máis antigo dos que se celebran en España, tras o “Descenso Internacional do Sella”. Dende os seus comezos, esta cita deportiva espertou un gran interese entre a cidadanía lucense, contribuíndo á difusión e popularización deste deporte na cidade de Lugo, considerando a esta cidade durante décadas como un dos orixes do piragüismo galego e nacional.

Esta proba está enmarcada na modalidade de descenso de ríos, cun percorrido de 17,5 km, entre a ponte medieval do Concello de Rábade e a Ponte Romana do Concello de Lugo, destacando o franqueo dos “caneiros” e distintos obstáculos naturais como rápidos e correntes que fan destacable a competición. É destacable así mesmo a habitual participación de numerosos clubs de Portugal, e de seleccións como España, Hungría e Holanda, así como a participación de figuras con medallas mundiais e europeas, referentes a nivel global na disciplina de piragüismo, sendo datos aportados pola propia Federación.

A data prevista para a súa realización é o 04 de xuño de 2022. A saída será as 16:00 horas na Ponte Medieval do Concello de Rábade e a meta na Ponte Romana do Concello de Lugo. Esta situación de meta recupera a ubicación orixinal das primeiras edicións, ademais de ser unha zona emblemática da cidade.

O descenso realízase en embarcacións individuais K1 e C1 e dobres K2, e as categorías participantes son xuvenil, sénior e veteranos, tanto feminino coma masculino, ademais de contar coa categoría mixta absoluta. O número aproximado de participantes sitúase entre os 300 e 400 padexeiros, de 30 a 45 clubs de Galicia, España e países estranxeiros (Portugal, Uruguai, etc).

A competición é unha regata de ámbito internacional, estando recollida no Calendario Oficial da ICF (*International Canoe Federation*). Así mesmo, está incluído dentro do Calendario Galego de Piragüismo 2021-2022, da Federación Galega de Piragüismo.

Todo o evento deportivo estará suxeito ao regulamento técnico do mesmo, e supletoriamente polos regulamentos superiores.

O Concello de Lugo intégrase como colaborador do devandito evento para unha mellora na eficiencia da xestión pública e a oferta deportiva municipal, polo impulso do deporte e os valores que este transmite, perseguindo un fin común de interese xeral e baixo o interese público que ostenta unha actividade de estas características, así como a promoción do municipio de Lugo nun entorno

## **SECCIÓN DE DEPORTES**

MRM/ilc

Refª: convenio

Asunto: Convenio de colaboración Federación Galega de Piragüismo "Descenso Internacional del Miño"

privilexiado pertencente a Reserva da Biosfera Terras de Miño, cun alto valor paisaxístico e ecolóxico, sin que esto supoña un trato de privilexio coa entidade organizadora, contribuíndo á realización de actividades de utilidade pública.

### **SEGUNDA.- ACTUACIÓNS A REALIZAR POR CADA UNHA DAS PARTES ASINANTES DO CONVENIO.**

A **Federación Galega de Piragüismo** comprométese, **como organizadora** do "LXV DESCENSO INTERNACIONAL DO MIÑO DE LUGO", a atender, en xeral, todas as necesidades para o desenrolo do evento nos días anteriores, durante o mesmo e relacionadas coa finalización do mesmo.

En concreto, farase cargo dos seguintes servizos e/ou suministros:

- 1.- Tramitación dos permisos necesarios ás diferentes administracións públicas e/ou entidades implicadas (Medio Ambiente, Confederación Hidrográfica, Concello de Lugo e demais administracións ou entidades públicas ou privadas).
- 2.- Estudo das condicións de seguridade para a realización da proba (valoración meteorolóxica, valoración do caudal do río e de pasos perigosos, e establecemento de zona acotada para deportistas).
- 3.- Montaxe dos elementos de sinalización e balizamento necesarios na zona de saída e meta.
- 4.- Montaxe do campo da regata (instalación de boias, megafonía, carpas, mesas de cronometraxe e demais material necesario)
- 5.- Montaxe da zona arbitral (instalación dunha carpa para os arbitros, para a reunión inicial dos mesmos, xestión de resultados, confirmación de inscricións e demais funcións).
- 6.- Montaxe da zona de entrega de premios.
- 7.- Xestión administrativa da regata (inscricións, comprobación de licencias, publicación dos resultados, atención de reclamacións e calquera outra necesaria para o evento)
- 8.- Informar aos participantes do desenrolo da proba (horarios, lugar de saída e meta, posibles incidencias no percorrido, distribución das zonas de aparcamento e espazos para os clubs e calquer outra información de interese para os participantes)
- 9.- Seguridade dos participantes na auga. Disporanse oito embarcacións de salvamento en puntos críticos e dúas embarcacións de cerce de proba ("embarcación escoba").

- 10.- Organización de árbitros, xuíces e persoal necesarios para a proba.
- 11.- Cronometraxe da proba.
- 12.- Entrega de premios.
- 13.- Publicidade e difusión da proba e dos seus resultados.
- 14.- Desmontaxe da proba (elementos de sinalización e balizamento, campo da regata, zona arbitral, zona de entrega de premios e demais instalacións e material utilizado).
- 15.- Aplicación, no seu caso, do protocolo Covid-19 en vigor e desinfección correcta das embarcacións que participen na proba.

A Federación Galega de Piragüismo comprométese así mesmo en que a colaboración do Concello de Lugo constará de forma expresa, pública e permanente na organización do evento, sendo o **colaborador preferente** e co logotipo do Concello de Lugo na publicidade do evento, estática, dixital e calquera outra.

O **Concello de Lugo, como colaborador** do "LXV DESCENSO INTERNACIONAL DO MIÑO DE LUGO", comprométese a:

- Colaborar cos servizos municipais necesarios para o bo desenrolo do evento como poden ser Policía Local, Protección Civil, Servizos Electromecánicos, Sinalización e Servizo de Limpeza, así como a delimitación de aparcamento (zonas de aparcamento para organización, clubs, ambulancia e público), todo isto unha vez solicitados os correspondentes permisos pola entidade organizadora.
- O Concello de Lugo farase cargo do canon da Federación Española de Piragüismo por importe de 6.000,00 €, que inclúe:
  - o Inscripción no calendario oficial da Federación Galega de Piragüismo.
  - o Arbitraxe e xuíces (en número necesario para o adecuado desenvolvemento da proba, e incluíndo retribucións, aloxamento, dietas, manutención e demais gastos derivados do servizo).
  - o Taxas pola tramitación dos permisos necesarios ás diferentes administracións públicas e entidades implicadas.
  - o Seguro de responsabilidade civil e seguro de actividade.

## SECCIÓN DE DEPORTES

MRM/ilc

Refª: convenio

Asunto: Convenio de colaboración Federación Galega de Piragüismo "Descenso Internacional del Miño"

### TERCEIRO.- OBRIGAS E COMPROMISOS ECONÓMICOS

Non existe contraprestación económica entre as partes asinantes do convenio.

As partes asinantes comprométese a financiar os gastos asumidos durante a vixencia do convenio.

Conforme á documentación obrante no expediente as achegas financeiras que se comprometen a realizar os asinantes non son superiores aos gastos derivados da execución do convenio.

### CUARTA.- ORZAMENTO E FINANCIAMENTO

O orzamento estimativo do “**LXV DESCENSO INTERNACIONAL DO MIÑO DE LUGO**” é de **10.723,86 €**, desglosado nas seguintes partidas:

FEDERACIÓN ESPAÑOLA DE PIRAGÜISMO	Canon Federativo pola inclusión no calendario oficial e pola prestación dos servizos comprometidos incluídos en dito canon (*)	<b>6.000,00 €</b>	Achega do Concello de Lugo
	Canon da ICF (International Canoe Federation) para a inclusión da proba no Calendario Oficial Internacional	<b>300,00 €</b>	Achega da Federación Galega de Piragüismo
Difusión en prensa	Diario “La Voz de Galicia”, anuncio do evento a media páxina, un día.	<b>1.452,00 €</b>	Achega da Federación Galega de Piragüismo
Trofeos para clubs e participantes:	<ul style="list-style-type: none"><li>o 78 trofeos individuais (7,84 € unidade): 611,52 €</li><li>o 3 trofeos para clubs (15,68 € unidade): 47,04 €</li></ul>	<b>796,86 €</b>	Achega da Federación Galega de Piragüismo
Seguridade en terra e auga	<ul style="list-style-type: none"><li>o Manutención de 15 voluntarios o día da proba (15 voluntarios, 23,00 € c/u): 345,00 €.</li><li>o Aluguer de dez embarcacións de seguridade para o control da proba, (130 € c/u): 1.350,00 €</li><li>o Aluguer de dúas furgonetas con remolque para o transporte das embarcacións de seguridade na proba (240 € c/u): 480,00 €</li></ul>	<b>2.175,00 €</b>	Achega da Federación Galega de Piragüismo
<b>TOTAL ORZAMENTO</b>		<b>10.723,86 €</b>	

(\*) Os servizos incluídos no canon da Federación Española de Piragüismo comprende a inclusión da proba no correspondente calendario oficial, árbitros e xuíces necesarios para a proba, taxas dos permisos necesarios para a celebración da proba de Administracións Públicas e entidades implicadas como poden ser Medio Ambiente e Confederacións, e seguro de responsabilidade civil e de actividade. Esta partida orzamentaria correspondente ao canon (6.000,00 €) recolle os recursos citados e non poden ser desglosados xa que a Federación trata a partida como un único concepto económico, ofrecendo os servizos necesarios para o evento, que no caso de ser superiores aos previstos non se alteraría o importe, e dicir, é independente dos recursos que se empreguen (número de árbitros, número de xuíces, etc).

#### **QUINTA.- XUSTIFICACIÓN E PAGAMENTO**

Non hai contraprestación económica entre as partes asinantes do convenio.

#### **SEXTA.- DURACIÓN**

Dado que o alcance do presente convenio é en exclusiva a realización do “**LXV DESCENSO INTERNACIONAL DO MIÑO DE LUGO**”, o convenio extinguirase tras a clausura do acto, sen prexuízo dos prazos posteriores nos que se deba facer balance do evento, ou aquelas outras cuestións que pola súa natureza requiran un prazo superior.

#### **SÉTIMA.- MODIFICACIÓN**

A modificación deste convenio poderá realizarse por mutuo acordo das partes, acreditando a concorrencia de interese común, e co límite substantivo de non alterar as condicións esenciais do documento inicial, e sempre e cando dito convenio este vixente, respectando o límite temporal máximo de 4 anos previsto no artigo 49 da LRXSP.

A modificación do convenio levarase a cabo mediante addenda ao mesmo.

#### **OITAVA.- EXTINCIÓN E EFECTOS**

O convenio extinguirase polo cumprimento das actuacións que constitúen o obxecto ou por incurrir en causas de resolución.

Son causas de resolución as sinaladas expresamente no artigo 51.2 da LRXSP e pola entrada en vigor de disposicións legais ou regulamentarias que determinen a súa extinción.

## **SECCIÓN DE DEPORTES**

MRM/ilc

Refª: convenio

Asunto: Convenio de colaboración Federación Galega de Piragüismo "Descenso Internacional del Miño"

O cumprimento e a resolución do convenio dará lugar á liquidación dos mesmos, co obxecto de determinar as obrigas e compromisos de cada unha das partes, tendo en conta o disposto no artigo 52.2 da LRXSP.

### **NOVENA.- COMISIÓN DE SEGUIMIENTO**

Tendo en conta o establecido no artigo 49.f da LRXSP, para o bo desenvolvemento das actividades obxecto deste convenio, seguimento, vixilancia e control establecerase unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto do presenta convenio. Ostentará a Presidencia da comisión de seguimento o responsable/persoal adscrito á Área de Deportes.

Os membros da Comisión poderán delegar a súa representación e voto noutra persoa da súa mesma organización.

O seu funcionamento acomodarse ao disposto na LRXSP. Serán funcións desta Comisión de Seguimento as seguintes:

- Velar polo cumprimento deste convenio.
- Planificar, fomentar, supervisar e avaliar as accións e programas que se vaian emprender ao abeiro do presenta convenio.
- Adoptar ou propoñer as medidas necesarias para garantir o exercicio coordinado das competencias de cada unha das partes.
- Resolver os problemas de interpretación que poidan xurdir.
- En xeral, as que o artigo 49.f da LRXSP lle atribúe aos mecanismos de seguimento, vixilancia e control.

As partes comprométense a resolver de xeito amigable calquera desacordo que poida xurdir no desenvolvemento do presente convenio a través da Comisión de Seguimento constituída.

### **DÉCIMA.- SISTEMAS DE COMUNICACIÓN, INFORMACIÓN E PUBLICIDADE**

Nos soportes, calquera que sexa o formato empregado (tradicional ou dixital) que aludan ou informen do investimento, actividade ou actuación, incorporaranse os "logotipos" institucionais do Concello de Lugo.

As entidades autorízanse reciprocamente, coa sinatura do presente convenio, para o tratamento necesario dos datos relevantes da axuda concedida e a comunicar e



difundir polos medios ou canles que consideren axeitados, a actividade que é obxecto de este convenio.

### **DÉCIMO PRIMEIRA.- CARÁCTER DO CONVENIO DE COLABORACIÓN**

Este convenio ten natureza administrativa e rexerase pola Lei 7/85, de 2 de abril, reguladora das bases de réxime local, así como pola LRXSP e restantes disposicións de concordante e xeral aplicación, sendo competente para entender nos litixios que puidesen xurdir a xurisdicción contencioso-administrativa.

O presente convenio non lle é de aplicación a Lei de contratos do sector público á vista do disposto no artigo 6 da Lei 9/2017, de 8 de novembro, de contratos do sector público, pola que se traspón ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

### **DÉCIMO SEGUNDA.- PUBLICIDADE**

Realizar a oportuna publicación no rexistro de convenios, de conformidade co artigo 8.1.b) da Lei 19/2013, de 9 de decembro, de transparencia, acceso á información pública e bo goberno.

LUGO, 30 de maio de 2022

Asdo: Don Mauricio Repetto Morbán, Concelleiro Delegado de Xuventude e Deportes (Área de Cohesión e Dinamización Social)

E doutra parte, Don José Alfredo Brea García, NIF 35456180R, que actúa en nome e representación da Federación Galega de Piragüismo.